

# **Nittartakkatigut inuit attaveqaqatigiittarfii aamma internetti - suut eqqumaffigisariaqarpigit?**

2016

---

**1. Nittartakkatigut inuit attaveqaqatigiittarfii aamma internetti – suut eqqumaffigisariaqarpigit?**

**3**

# 1. Nittartakkatigut inuit attaveqqaqatigiittarfii aamma internetti – suut eqqumaffigisariaqarpigit?

---

## **Inunnik paasissutissanik suliarinnittarneq pillugu inatsit**

Inunnik paasissutissanik suliarinnittarneq pillugu inatsit ilaatigut inuit allat pillugit paasissutissanik illit tamanut saqqummiussininnut atuuppoq. Assersuutigalugu internettimi ilanngussamik allakkuit. Inatsit aammattaaq atuuppoq inuit allat assinginik, imaluunniit nipinik immiussanik tamanut saqqummiussiguit.

## **Inuit ilisarineqarsinnaagaangata**

Inuit pillugit paasissutissat tassaapput kina pineqarnersoq arlaannaataluunniit paasisinnaappagu. Tassa inuit pillugit paasissutissaasinnaapput, inuup atia allanngikkaluarukkuluunniit.

## **Taamaaliornissannut akuerineqarpit?**

Inummit pineqartumit akuerineqaruit nalinginnaasumik taanna pillugu paasissutissat tamanut saqqummiussinnaavatit. Meeraq mikisoq pineqarpat taassuma angajoqqaavi akuersisuussapput.

Akuerineqarsimangikkuit inuk alla pillugu paasissutissat ajoqutaasussaangitsut kisiisa tamanut saqqummiussinnaavatit. Tassa ima soqutaanngitsigissapput nalinginnaasumik ajuallaatigineqarsinnaasussaasanatik.

Aamma akornutaasussaaneq ajorpoq paasissutissanik inummut tunngasunik, nammineq imminut pilluni paasissutissanik tamanut saqqummiutereersimasaanik, tamanut saqqummiussiguit.

## **Assit**

Inuup allap assinganik tamanut saqqummiussisinaanngilatit, inummit pineqartumit akuerineqqaarsimangikkuit. Tamanna aamma atuuppoq inuit marluullutik assinginut tunngatillugu. Imaluunniit assersuutigalugu klassemi ataatsimi atuaqatigiit tamarmik, assilisinnissaminnut ataatsimoortinneqarsimasut, assinginut tunngatillugu.

Assit allat, ajuallannartuunngippata, akuersitseqqaarnak nalinginnaasumik tamanut saqqummiussinnaavatit. Kisianni assinik saqqummiusseqqusaanngilatit nalunngikkukku inuit assimiittut tamanna kissaatiginngikkaat.

Assimik saqqummiussereernerpit kingorna akerliliisoqarpat taakku aamma tusaaniartariaqarpatit, assilu internettimit peerlugu.

## **Inummik allamik iluaallortitsippata**

Saqqummiussisimaguit isumaqarlutit ajunngitsoq, paasinarsippallu taassuma nuannarinngikkaa, taanna naalassavat. Paasissutissat internettimit piissavatit, taamaalorsinnaatitaallutit qularnarunnaarsissinnaanngikkukku.

Assersuutigalugu imaassinnaavoq isummat oqaatigisimagit, tamannalu killiligaanani oqaaseqarsinnaatitaanerup tunngatillugu ajunngitsoq. Killiligaananili oqaaseqarsinnaatitaanerup allat pillugit paasissutissanik killeqanngitsumik tamanut saqqummiussisinaanissanik pisinnaatitaaffilinnngilaatit.

Taamaattumik eqqarsarluaqqaartarit. Aamma eqqaamajuk allatatit, imaluunniit tamanut saqqummiussatit aqputigalugit inuit allat ajuallatsissinnaagakkit. Eqqarsaatigiuk illit nammineq killissat sumut killeqarnerisq.

### **Paasissutissat inunnut ataasiakkaanut tunngasut**

Paasissutissat inunnut ataasiakkaanut allanut tunngalluinnartut aamma mianerisariaqartut tamanut saqqummiutissanngilluinnarpatit. Taakku tassaasinnaapput inuup napparsimanera imaluunniit akiitsoqarnera pillugu paasissutissat. Aamma tassaasinnaapput inuup akiligassinneqarsimanera, imaluunniit tillinniarsimasutut pasisaanera pillugu paasissutissat.

Paasissutissanik inunnut ataasiakkaanut tunngasunik tamanut saqqummiussiguit, inunnik paasissutissanik suliarinnittarneq pillugu inatsimmik unioqutitsisinnaavutit.

Paasissutissanik tamanut saqqummiussinikkut inuit allat sakkortuumik kanngunarsarukkit aamma tamanna pinerluttulerinermi inatsimmik unioqutitsinerusinnaavoq. Tamanna aamma atuuppoq inuup allap atisaqarani assingunik tamanut saqqummiussiguit.

### **Paasissutissat illit nammineq tamanut saqqummiussatit**

Illit assinnik, imaluunniit illit pillutit paasissutissanik tamanut saqqummiussiguit allat paasissutissanik atuinissaannik aamma periarfississavatit.

Allat paasissutissanik imaluunniit assinik, illit nammineq tamanut saqqummiussimasannik, peersitinnissaannut Datatilsyni amerlasuutigit ikiuussinnaaneq ajorpoq.

Tamaattumik paasissutissanik internettikkut saqqummiussitinnak eqqarsarluaqqissaqqaartassaatit. Peqqissimiguit paasissutissat piivinnissaat amerlasuutigit ajornarlunartarpoq.

### **Akisussaasumut tamatigit saaffiginneqqaartarit**

Inuup allap illit assinnik, imaluunniit illit pillutit paasissutissanik internettikkut tamanut saqqummiussinera iluarinngikkukku taava aallaqqaammut inuk taanna attaveqarfigeqqaaruk.

Inuk taanna taakkununga akisussaasuvoq, aammalu akerliunerit isummerfigissallugu.

### **Quppernerit salloqittaatit**

Immaqa naammattoorumaarpat inuk alla, nittartakkatigit inuit attaveqaqatigiittarfiisigut, illiusuusaarluni quppernermik pilersitsisimasoq.

Pisumi taama ittumi nittartakkatigit inuit attaveqaqatigiittarfiat saaffigisariaqarpat.

### **Datatilsyni**

Paasissutissat peerneqarnissaannik qinnuiginninerit naapertorlugu akisussaasoq peersinngippat immaqa Datatilsynip ikiorsinnaassavaatit.

Kisianni tamanut saqqummiussineq ajunngippat – assersuutigalugu killiligaanani oqaaseqarsinnaatitaanermut ilaatinneqarpat – taava paasissutissat peerneqarnissaannik Datatilsyni peqqusisinnaanngilaq.

Pinerluttulerinermi inatsimmik unioqutitsineq Datatilsynimit isummerfigineqarsinnaanngilaq. Tamatumani politinut saaffiginnittoqassaaq.

**Datatilsynet**

Carl Jacobsens Vej 35.

DK 2500 Valby

Oqarasuaat 33 19 32 00

E-mail [dt@datatilsynet.dk](mailto:dt@datatilsynet.dk)

[www.datatilsynet.dk](http://www.datatilsynet.dk)

Datatilsyni tassaavoq qitiusumik oqartussaqaarfik allanut attuumassuteqanngitsaq, makkuninnga suliaqartoq

- inummut paasissutissanik nalunaarsuineri, ingerlatitseqqinnermi aamma allatigut suliaqarnermi siunnersuineq, aamma
- oqartussaqaarfiit, suliffeqaarfiit aamma allat paasissutissanut akisussaasuusut inunnik paasissutissanik suliarinnitarneq pillugu inatsimmik eqqortitsisinissaannik nakkutilliisoq.

Atuagaaqqami uani inunnik paasissutissanik suliarinnitarneq pillugu inatsit pingaarnersiorlugu nassuiarneqarpoq. Paasissutissat arlaqarnerusut Datatilsynip nittartagaani nassaarisinnaavatit.

**Nittartakkatigut inuit attaveqaqatigiittarfii aamma internetti - suut eqqumaffigisariaqarpigit?**

© 2016 Datatilsynet

Eftertryk med kildeangivelse er tilladt

Udgivet af:

Datatilsynet

Carl Jacobsens Vej 35

2500 Valby

T 33 19 32 00

[dt@datatilsynet.dk](mailto:dt@datatilsynet.dk)

[datatilsynet.dk](http://datatilsynet.dk)

**Datatilsynet**

Carl Jacobsens Vej 35

2500 Valby

T 33 19 32 00

[dt@datatilsynet.dk](mailto:dt@datatilsynet.dk)

[datatilsynet.dk](http://datatilsynet.dk)